



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՆԵՐՔԻՆ ԳՈՐԾԵՐԻ ՆԱԽԱՐԱՐ

ՀՐԱՄԱՆ

№ 59-Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ ՄԻԳՐԱՑԻԱՅԻ ԵՎ ՔԱՂԱՔԱՑԻՈՒԹՅԱՆ ԾԱՌԱՅՈՒԹՅԱՆ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ ՀԱՇՎԱՌՄԱՆ-ՔՆՆԱԿԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ, ԹՈՒՅԼՏՎՈՒԹՅՈՒՆՆԵՐԻ ԵՎ ԼԻՑԵՆԶԱՎՈՐՄԱՆ ՎԱՐՉՈՒԹՅԱՆ ԿՈՂՄԻՑ 2025 ԹՎԱԿԱՆԻ ՕԳՈՍՏՈՍ ԱՄՍՎԱ ՇՐՋԻԿ ՍՊԱՍԱՐԿՄԱՆ ԳՐԱՍԵՆՅԱԿՆԵՐԻ ՄԻՋՈՑՈՎ ՄԱՏՈՒՑՎՈՂ ԾԱՌԱՅՈՒԹՅՈՒՆՆԵՐԻ ԺԱՄԱՆԱԿԱՑՈՒՅՑԸ ԵՎ ԵՐԹՈՒՂԻՆ ՍԱՀՄԱՆԵԼՈՒ ՄԱՍԻՆ

Ծառայությունների մատուցումը քաղաքացիներին և Հայաստանի Հանրապետությունում ժամանակավոր պաշտպանություն ստացած անձանց առավել հասանելի դարձնելու նպատակով և հիմք ընդունելով Հայաստանի Հանրապետության վարչապետի 2023 թվականի մարտի 14-ի թիվ 270-Լ որոշմամբ հաստատված հավելվածի 19-րդ կետի 20-րդ ենթակետը.

Հ Ր Ա Մ Ա Յ ՈՒ Մ ԵՄ՝

1. Սահմանել Հայաստանի Հանրապետության ներքին գործերի նախարարության միգրացիայի և քաղաքացիության ծառայության (այսուհետ՝ ՀՀ ՆԳՆ ՄԲԾ) և Հայաստանի Հանրապետության ներքին գործերի նախարարության հաշվառման-քննական ծառայությունների մատուցման, թույլտվությունների և լիցենզավորման վարչության (այսուհետ՝ ՀՀ ՆԳՆ ՀՔԾՄԹԼՎ) կողմից 2025 թվականի օգոստոս ամսվա շրջիկ սպասարկման գրասենյակների միջոցով մատուցվող ծառայությունների հետևյալ ցանկը՝

1) ՀՀ ՆԳՆ ՄԲԾ կողմից՝

ա. անձնագրի փոխանակում,

բ. հանրային ծառայությունների համարանիշի տեղեկանքի տրամադրում,

գ. հաշվառման տեղեկանքի տրամադրում,

դ. ժամանակավոր պաշտպանության վկայականի տրամադրում և (կամ) փոխանակում,

ե. հաշվառումից հանում,

զ. Լեռնային Ղարաբաղից տեղահանված անձանց Հայաստանի Հանրապետության քաղաքացիություն ստանալու դիմումների ընդունում,

է. անձնագրերի մասին տեղեկանքի դիմումի տրամադրում,

ը. խորհրդատվության տրամադրում.

2) ՀՀ ՆԳՆ ՀՔԾՄԹԼՎ կողմից՝

ա. տրանսպորտային միջոցի սեփականության վկայականի փոխանակում կամ կորստի դեպքում նորի տրամադրում,

բ. տրանսպորտային միջոցի հաշվառման վկայագրի փոխանակում կամ կորստի դեպքում նորի տրամադրում,

գ. տրանսպորտային միջոցի հաշվառման վկայագրում անձնագրային տվյալների փոփոխություն,

դ. տրանսպորտային միջոցի խոտանում,

ե. տրանսպորտային միջոցի հաշվառման ժամանակավոր կասեցում,

զ. սահմանափակումների մասին տեղեկանքի տրամադրում,

է. վարորդական իրավունքի վկայականի փոխանակում կամ կորստի դեպքում նորի տրամադրում:

2. ՀՀ ՆԳՆ ՄԲԾ պետ Նելլի Դավթյանին և ՀՀ ՆԳՆ ՀՔԾՄԹԼՎ պետ Արարատ Թևոյանին՝ շրջիկ սպասարկման գրասենյակների միջոցով ծառայությունների մատուցումը քաղաքացիներին և Հայաստանի Հանրապետությունում ժամանակավոր պաշտպանություն ստացած անձանց առավել հասանելի դարձնելու նպատակով համագործակցել պետական կառավարման և տեղական ինքնակառավարման մարմինների հետ՝ փոխհամաձայնեցված ժամանակացույցով՝ Հայաստանի Հանրապետության ներքին գործերի նախարարության լիազորությունների շրջանակում ծառայություններ մատուցելու համար:

3. Հաստատել 2025 թվականի օգոստոս ամսվա շրջիկ սպասարկման գրասենյակների միջոցով մարզերում մատուցվող ծառայությունների ժամանակացույցը և երթուղին հետևյալ հաջորդականությամբ՝

- 1) օգոստոսի 5-ին՝ Վայոց Ձորի մարզի Վայք համայնք՝ դիմումների ընդունման և խորհրդատվական ծառայությունների մատուցման աշխատանքներ,
- 2) օգոստոսի 7-ին՝ Շիրակի մարզի Անի համայնք՝ դիմումների ընդունման և խորհրդատվական ծառայությունների մատուցման աշխատանքներ.
- 3) օգոստոսի 7-ին՝ Արագածոտնի մարզի Արագած համայնք՝ դիմումների ընդունման և խորհրդատվական ծառայությունների մատուցման աշխատանքներ.
- 4) օգոստոսի 7-ին՝ Արարատի մարզի Արարատ և Արմավիրի մարզի Մեծամոր համայնքներ՝ հուլիսի 31-ին ընդունված դիմումների շրջանակներում փաստաթղթերի հանձնման աշխատանքներ.
- 5) օգոստոսի 14-ին՝ Կոտայքի մարզի Չարենցավան համայնք՝ դիմումների ընդունման և խորհրդատվական ծառայությունների մատուցման աշխատանքներ.
- 6) օգոստոսի 14-ին՝ Կոտայքի մարզի Բյուրեղավան համայնք՝ դիմումների ընդունման և խորհրդատվական ծառայությունների մատուցման աշխատանքներ
- 7) օգոստոսի 14-ին՝ Արագածոտնի մարզի Արագած և Շիրակի մարզի Անի համայնքներ՝ օգոստոսի 7-ին ընդունված դիմումների շրջանակներում փաստաթղթերի հանձնման աշխատանքներ

- 8) օգոստոսի 21-ին՝ Գեղարքունիքի մարզի Վարդենիս համայնք՝ դիմումների ընդունման և խորհրդատվական ծառայությունների մատուցման աշխատանքներ.
- 9) օգոստոսի 21-ին՝ Կոտայքի մարզի Գառնի համայնք՝ դիմումների ընդունման և խորհրդատվական ծառայությունների մատուցման աշխատանքներ.
- 10) օգոստոսի 21-ին՝ Կոտայքի մարզի Բյուրեղավան և Չարենցավան համայնքներ՝ օգոստոսի 14-ին ընդունված դիմումների շրջանակներում փաստաթղթերի հանձնման աշխատանքներ.
- 11) օգոստոսի 28-ին՝ Գեղարքունիքի մարզի Ճամբարակ համայնք՝ դիմումների ընդունման և խորհրդատվական ծառայությունների մատուցման աշխատանքներ.
- 12) օգոստոսի 28-ին՝ Վայոց Ձորի մարզի Վայք համայնք՝ դիմումների ընդունման և խորհրդատվական ծառայությունների մատուցման աշխատանքներ.
- 13) օգոստոսի 28-ին՝ Գեղարքունիքի մարզի Ճամբարակ և Կոտայքի մարզի Գառնի՝ օգոստոսի 21-ին ընդունված դիմումների շրջանակներում փաստաթղթերի հանձնման աշխատանքներ:

4. Հաստատել 2025 թվականի օգոստոս ամսվա շրջիկ սպասարկման գրասենյակների միջոցով Երևան քաղաքում Լեռնային Ղարաբաղից տեղահանված անձանց Հայաստանի Հանրապետության քաղաքացիություն ստանալու դիմումների ընդունման ժամանակացույցը և երթուղին հետևյալ հաջորդականությամբ՝

1) օգոստոսի 4-ին և 5-ին՝ Նոր Նորք, Շենգավիթ և Աջափնյակ վարչական շրջաններում՝ դիմումների ընդունման և խորհրդատվական ծառայությունների մատուցման աշխատանքներ.

2) օգոստոսի 11-ին և 12-ին՝ Էրեբունի, Ավան և Մալաթիա-Սեբաստիա վարչական շրջաններում՝ դիմումների ընդունման և խորհրդատվական ծառայությունների մատուցման աշխատանքներ.

3) օգոստոսի 18-ին և 19-ին՝ Քանաքեռ-Զեյթուն, Արաբկիր և Դավիթաշեն վարչական շրջաններում՝ դիմումների ընդունման և խորհրդատվական ծառայությունների մատուցման աշխատանքներ.

4) օգոստոսի 25-ին և 26-ին՝ Նոր Նորք, Շենգավիթ և Աջափնյակ վարչական շրջաններում՝ դիմումների ընդունման և խորհրդատվական ծառայությունների մատուցման աշխատանքներ:

5. Հայաստանի Հանրապետության ներքին գործերի նախարարի մամուլի քարտուղար, հանրային հաղորդակցության և իրազեկման վարչության պետ Նարեկ Սարգսյանին՝ 2025 թվականի օգոստոս ամսվա շրջիկ սպասարկման գրասենյակների միջոցով մատուցվող ծառայությունների սահմանված ժամանակացույցի և երթուղու վերաբերյալ իրականացնել հանրային իրազեկման աշխատանքներ:

6. Հայաստանի Հանրապետության ներքին գործերի նախարարության գլխավոր քարտուղար Արա Ֆիդանյանին՝ շրջիկ սպասարկման գրասենյակների աշխատանքների իրականացման ընթացքում կազմակերպել գործուղումների պլանավորումը և ֆինանսական միջոցների հատկացման գործընթացները:

7. Սույն հրամանի կատարման նկատմամբ հսկողությունը վերապահել Հայաստանի Հանրապետության ներքին գործերի նախարարի տեղակալ Արմեն Ղազարյանին:

ԱՐՓԻՆԵ ՍԱՐԳՍՅԱՆ

30.07.2025թ.

ՀԱՍՏԱՏՎԱԾ Է

ԷԼԷԿՏՐՈՆԱՅԻՆ

ՍՏՈՐԱԳՐՈՒԹՅԱՄԲ